

El qual sier Tomà Contarini per esser di Pregadi, poi rimasto fo chiamà dal Serenissimo et aliegramente acceptoe. El qual è stato Baylo a Constantinopoli, consolo a Damasco et in Alexandria.

A dì 15. Domenega. La matina, vene in Collegio l'orator di Ferara per certe cose particular del suo signor.

Di sier Alvixe Pixani procurator, proveditor zeneral, vene lettere, da Todi, di 11. Come il Papa è a Orvieto, et ha aviso il modo zonse a dì 8 a hore 2 di nocte; però che, avendo fornito il castel Santo Anzolo di fanti italiani, disse al capitano Larcone che 'l si voleva partir. El qual li disse era meio Soa Beatitudine restasse 3 over 4 zorni aziò in camin non fosse prexo: et che Soa Santità considerò queste parole, et la note a hore 8 montò a cavallo et vene li a Orvieto con 30 cavalli acompagnato dal signor Alvise Gonzaga. Scrive, hosi el marchexe di Saluzo et il signor Federico di Bozolo sono partiti et andati li a Orvieto a basar li piedi a Soa Santità, ch'è mia . . . lontano, et doveano ritornar la sera; dai qual se intendarà qualcosa. Etiam esso Proveditor ha mandato uno . . . per suo nome a far reverentia a Soa Santità. Item, manda una lettera hauta di Roma, di 7, del Cardinal suo fiol, come insieme con il Triulzi si partivano per Napoli.

Del proveditor Pexaro, fo lettere, di Parma, di 12. Come a dì 16 Lutrech si partiva.

Di Franza, da Paris, fo lettere di 3, di l'Orator nostro, et di Spagna, da Burgos, di 22 Novembrio, in zifra, di l'Orator nostro Navaier, et non fono lette perchè erano in zifra, et il sumario dirò di sotto

Da poi disnar fo Gran Conseio, et vene il Serenissimo, etiam sier Daniel Moro censor stato assà tempo amalato.

Podestà a Verona.

Sier Giacomo Corner fo Cao del Conseio di X, qu. sier Zorzi cavalier procurator	733.699
Sier Andrea Marzelo fo al luogo di procurator, qu. sier Antonio	526.905
Sier Alvise Bon el dotor, avogador di Comun	502.896
+ Sier Francesco Foscari fo capitano a Brexa, qu. sier Nicolò	771.691

Podestà a Castelbaldo.

+ Sier Marin Gixi fo podestà a Muran, qu. sier Marcho	942.568
Sier Alvixe Zivran fo V di la paxe, qu. sier Piero	808.728

Castelan a Zara.

Sier Nicolò Mocenigo di sier Hironimo	451.1047
+ Sier Jacomo Diedo fo castelan a Cattaro, qu. sier Arseni	1151.349

Uno al luogo di Procurator sopra i atti dei Soragastaldi.

Sier Marco Balbi fo di Pregadi, qu. sier Benedeto	527.878
Sier Zuan Nadal Salamon fo savio a terraferma, qu. sier Thomà	690.718
Sier Antonio Justinian fo di Pregadi, qu. sier Francesco el cavalier	551.858
Sier Ferigo Morexini fo di Pregadi, qu. sier Ziprian	670.731

Uno del Conseio di X.

Sier Priamo da Leze fo Cao del Conseio di X, qu. sier Andrea	639.683
Sier Lorenzo Bragadin fo Cao di X, qu. sier Francesco	591.767
Sier Gasparo Contarini fo ambasciator a l'Imperator, qu. sier Alvise	541.792
+ Sier Gasparo Malipiero fo Cao di X, qu. sier Michiel	687.646

Cao di sestier di Ossoduro.

Sier Zuan Francesco di Prioli qu. sier Lunardo	658.779
Sier Lorenzo Baffo di sier Zuan Jacomo	581.865
+ Sier Hironimo Trivixan fo V di la paxe, qu. sier Andrea	1059.385
Sier Ziprian Gabriel di sier Francesco, qu. sier Bertuzi el cavalier	559.883